

JASMIN DUVNJAK
Delegat u Domu naroda
Parlamenta Federacije BiH

Primljeno: 01-07-2022			
Org. jsd.	Broj	Priloga	Vrijednost
02	- 02 -	1370	118

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

n/r gosp. Tomislav Martinović, predsjedavajući

Sarajevo, 4.7.2022.godine

U skladu sa članom 177. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), podnosim:

Amandmane
na Prijedlog Zakona o organizacijama i reprezentativnim organizacijama osoba sa
invaliditetom i civilnih žrtava rata

AMANDMAN I

U članu 2. stav (3) Prijedloga Zakona o organizacijama i reprezentativnim organizacijama osoba sa invaliditetom i civilnih žrtava rata dodaje se tekst:

“Redovni član u smislu utvrđivanja statusa reprezentativne organizacije osoba sa invaliditetom može biti samo osoba sa stepenom invaliditeta od 60% do 100%.”

Obrazloženje:

Ovim amandmanom propisuje se da u svrhu utvrđivanja statusa reprezentativne organizacije OSI redovni članovi mogu biti samo osobe sa stepenom invaliditeta od 60% do 100% što je u skladu sa standardima i normama koje je Federacija Bosne i Hercegovine propisala i drugim zakonima vezanim za ostvarivanje prava iz oblasti invalidnosti. Ukoliko se ovaj amandman ne prihvati imaćemo nedefinisanu situaciju i pojaviće se jako veliki broj organizacija koje će se tretirati kao organizacije osoba sa invaliditetom, a objektivno u svom članstvu neće morati imati osobe sa invaliditetom kojima je potrebna podrška od strane države. Pojavom velikog broja takvih organizacija izgubiće se suština reprezentativnosti. Također će se vršiti ogromna diskriminacija osoba sa težim invaliditetom. Ovim amandmanom se želi postepeno napuštati medicinski model i

invaliditet posmatrati u skladu sa UN Konvencijom o pravima osoba s invaliditetom tj. socijalnim modelom zasnovanim na ljudskim pravima, kako je to propisano članom 1 Konvencije.

AMANDMAN II

U članu 28. Prijedloga Zakona o organizacijama i reprezentativnim organizacijama osoba sa invaliditetom i civilnih žrtava rata mijenja se stav (1) i sada glasi:

(1) "Reprezentativne OOSI i reprezentativne OCŽR se u skladu sa mogućnostima finansiraju iz budžeta kroz direktno uvrštavanje ovih organizacija u budžet općine, grada, kantona ili Federacije BiH, u skladu sa nivoom organizovanja, i to:

- a) iz budžeta općine – općinske reprezentativne OOSI i reprezentativne OCŽR,*
- b) iz budžeta grada – gradske reprezentativne OOSI i reprezentativne OCŽR,*
- c) iz budžeta kantona – kantonalne reprezentativne OOSI i reprezentativne OCŽR,*
- d) iz budžeta Federacije – federalne reprezentativne OOSI i reprezentativne OCŽR."*

Obrazloženje :

Ovim amandmanom se propisuje obaveza umjesto predložene mogućnosti finansiranja reprezentativnih organizacija. Naime, reprezentativnim organizacijama je potreban novac za njihov redovan rad i predstavljanje svojih članova, i taj novac mora biti predviđen u budžetima u skladu sa mogućnostima tog nivoa vlasti, te reprezentativne organizacije ne smiju biti prepuštene javnim pozivima.

Sadašnje stanje je da većina kantona i općina ne finansiraju rad ovih udruženja ili ih finansiraju u minimalnom iznosu, što je u suštini neprihvatljivo jer ove organizacije rade veoma važan posao za osobe s invaliditetom i Državu. Ovim amandmanom želi se ispoštovati Konvencija o pravima osoba s invaliditetom, kao i Preporuke UN Komiteta za prava osoba sa invaliditetom, koje su dostavljene BiH 2017. godine. U navedenim Preporukama, na samom početku, od države BiH se traži da obezbijedi finansiranje organizacija osoba s invaliditetom, naročito na lokalnom nivou.

AMANDMAN III

U članu 28. Prijedloga Zakona o organizacijama i reprezentativnim organizacijama osoba sa invaliditetom i civilnih žrtava rata mijenja se stav (2) i sada glasi:

(2) "Finansiranje OOSI i OCŽR se vrši putem javnog poziva, u skladu sa raspoloživim sredstvima za tekuću budžetsku godinu, a u svrhu podrške osnovnom funkcionisanju organizacije, radi izvršavanja programskih aktivnosti i zadataka."

Obrazloženje :

Ovim amandmanom se definiše da će sredstva za rad OOSI i OCŽR, koje nisu

reprezentativne, biti dodjeljena na osnovu javnih poziva. Ove organizacije iako nisu reprezentativne imaju važnu ulogu za osobe s invaliditetom i bitno olakšavaju njihovu socijalnu integraciju i pružaju razne oblike podrške. I za ovo rješenje postoji uporište u svim međunarodnim dokumentima, koji se odnose na osobe s invaliditetom, a naročito u Preporukama UN Komiteta za prava osoba s invaliditetom, o kojima se govori u obrazloženju za Amandman II.

Jasmin Duvnjak s.r.